

樓炭經卷第一

容一

西晉釋法炬共法立譯

闍浮利品第一

聞如是一時佛遊於舍衛祇樹給孤獨園與大比丘衆千二百五十人俱爾時衆比丘飯已後會於講堂共說天地之事佛遙聞之出

黃

就堂坐間諸比丘屬何所議諸比丘言心有所疑今此天地云何而成至其然後云何破壞唯議此事願佛解說佛告諸比丘汝欲聞者謐聽受之諸比丘言唯然受教佛言如一日月旋照四天下時爾所四千天下世界有千日月千須彌山王有四千天下四千大海

水四千大龍宮四千大金翅鳥四千惡道四千大惡道七千種種大樹八千種種大山萬種種大泥犁是名爲一小千世界如一小千世界爾所小千千世界是名爲中千世界爾所中千千世界是名爲三千大千世界惡燒成敗是爲一佛刹佛告比丘是地深六百八

十萬俞旬其邊無限其地立水上其水深四百六十萬俞旬其邊際無有限其風持水其風深二百三十萬俞旬其邊際無限其海深八百四十萬俞旬其邊際無崖底須彌山王入大海水八萬四千俞旬高亦八萬四千俞旬下狹上稍稍廣上正平種種含生類在上止悉滿無空缺處諸神亦在上止諸尊復尊天神悉在上居止忉利天宮在須彌山上過忉利天上有藏天過藏天有兜術天過兜術天上有尼摩天過尼摩天上有波羅尼蜜知耶越致天過是上天有梵迦夷天過是天上有魔天其宮廣長二十四萬里宮壁七重七重欄楯七重交露七重行樹七重周匝皆以七寶綵畫妙好金銀水精琉璃瑪瑙赤真珠碑磲金璧銀門銀壁金門琉璃璧水精門水精璧瑠璃門赤真珠璧瑪瑙門瑪瑙璧赤真珠門碑磲璧一切衆寶門綵畫妙好皆以七寶作之金欄楯金柱狀銀枕銀欄楯銀柱狀

金桃瑠璃欄楯瑠璃柱狀水精桃水精欄楯
水精柱狀瑠璃桃赤真珠欄楯赤真珠柱狀
瑪瑙桃瑪瑙欄楯瑪瑙柱狀赤真珠桃碑槰
欄楯碑槰柱狀一切妙寶桃金交露者銀垂
銀交露者金垂瑠璃交露者水精垂水精交
露者瑠璃垂赤真珠交露者瑪瑙垂瑪瑙交

容一

二

露者赤真珠垂碑槰交露者一切寶垂金樹
金根金莖銀枝葉華實銀樹銀根銀莖金枝
葉華實瑠璃樹瑠璃根瑠璃莖水精枝葉華
實水精樹水精根水精莖瑠璃枝葉華實赤
真珠樹赤真珠根莖瑪瑙枝葉華實瑪瑙樹
者瑪瑙根莖赤真珠枝葉華實碑槰樹者碑

禦根莖一切寶枝葉華實綵殊好皆以七
寶金銀瑠璃水精赤真珠碑槰瑪瑙其門上
有曲廂蓋欄楯上有交露樓觀下有園廬舍
宅浴池生種種華樹種種葉種種華種種實
出種種香種種飛鳥各各悲鳴過魔天上有
梵迦夷天過梵迦夷天上有阿衛貨天過是
方天下有樹名銀莖園二百八十里高四千

上有首皮斤天過是上有比呼破天過是上
有無人想天過是上有阿卑和天過是上有
阿荅和天過是上有須陀旃天過是上有須
陀尸天過是上有阿迦尼吒天過是上有須
名阿竭禪天過是上有天名識知過是上有
天名阿因過是上有天名無有思想亦不無
想乃至其上有人生老病死往還不復過其

上數佛言比丘須彌山王以四寶瑠璃水精
金銀作成之須彌山北有天下名巒單曰廣
長各四十萬里正四方須彌山王東有天下
名弗于達廣長各三十六萬里周市正圓須
彌山王西有天下名俱耶尼廣長各三十二
萬里如半月形須彌山王南有天下名闍浮
利廣長各二十八萬里南廣北狹須彌山王
北脅天金照北方天下須彌山王東脅大銀
照東方天下須彌山王西脅天水精照西方
天下須彌山王南脅天瑠璃照南方天下北

容一

三

里枝葉分布二千里東方天下有大樹名條
莖圍二百八十里高四千里枝葉分布二千
里俱耶尼天下有樹名斤莖圍二百八十里
高四千里枝葉分布二千里其樹上有石牛
高四十里闍浮利天下有大樹名闍浮高四
千里莖圍二百八十里枝葉分布二千里金
翅鳥王及龍有樹名駒利睂高四千里莖圍
二百八十里枝葉分布二千里阿須倫有大
樹名善晝過度高四千里莖圍二百八十里
枝葉分布二千里忉利天有樹名晝度高四
千里莖圍二百八十里枝葉分布二千里大
海北有大樹名闍高四千里莖圍二百八十

里枝葉分布二千里北方地空中有叢樹名
華廣長各二千里復有叢樹名闍破又有叢
樹名多又有叢樹名那多又有叢樹名男又
有叢樹名女又有叢樹名小兒又有叢樹名
栢又有叢樹名栴檀又有叢樹名住鉢又有
叢樹名般柰又有叢樹名比羅又有叢樹名
大利又有叢樹名柰又有叢樹名安石榴又
有叢樹名抄羅又有叢樹名波波又有叢樹
名波隆又有叢樹名阿摩勒又有叢樹名呵
梨勒又有叢樹名毗醯勒又有叢樹名睂又
有叢樹名竹又有叢樹名施羅又有叢樹名
舍羅間又有叢樹名瓜又有叢樹名大瓜又
有叢樹名脫華又有叢樹名比羅又有叢樹
名須女華又有叢樹名皮維又有叢樹名和
師又有叢樹名茄夷又有叢樹名捺鮮又有
叢樹名蒲陶凡此諸樹廣長各二千里過是
空地其空地中亦有優鉢華池二千里紅蓮
華池二千里白蓮華池二千里黃蓮華池二
千里毒蛇池二千里過是以地空其空地有
海名鬱禪從東西流入大海其鬱禪海中見
轉輪王跡知天下有轉輪王現遊行時跡鬱
禪北有山名鬱禪茄佛語諸比丘其山甚樂
殊好巍巍樹木生葉華實甚香畜獸飛鳥無
所不有無與等者也佛言比丘其鬱禪茄山

甚樂姝好巍巍過鬱禪茄山有山名須桓那
鉢其山有八萬窟中有八萬象皆在中止其
象七日一食有六牙上廣下狹牙齒間悉金
填過須桓那鉢山次有山名冬王甚高過億
山上高四千里上有水名阿那達廣長二千
里其底沙皆金其水涼冷輒美且清以七寶
金銀琉璃水精赤真珠碑磲瑪瑙作堅壘其
四面起墻亦布底有七重欄楯七重行樹周
匝圍遠七寶交露綵畫姝好阿耨達龍王水
池四面有陞金陞銀枕銀陞金枕琉璃陞水
精桃水精陞琉璃枕赤真珠枕瑪瑙枕瑪瑙
陞赤真珠枕碑磲陞七寶枕陞上有曲廂蓋
皆有欄楯有交露樓觀其水中有青蓮華紅
蓮華白蓮華黃蓮華華亦有火色者金色者
青色者紅色者赤色者白色者周匝大如車
輪其莖大如車轂若刺其汁出如乳色其味
如蜜阿耨達龍王宮在其水中宮名般闍兜
阿耨達龍王在中止其龍有何等寶何謂爲

卷一

五

阿耨達龍過阿耨達龍天下餘諸龍王以三
熱見燒阿耨達龍王不以三熱見燒復次天
下諸餘龍王過阿耨達龍王餘龍王熱沙兩
身上燒炙蕉皮蕉皮已燒膚燒膚已燒筋燒
筋以燒骨燒骨以燒髓燒炙甚毒痛過阿耨
達龍王餘龍王皆見熱阿耨達龍王獨不熱
是故名爲阿耨達是爲第一事復次天下過
阿耨達龍王餘龍王起姪欲事相向時熱風
來吹其身焦龍身即失天顏色得地身便恐
不喜天下諸所龍王過阿耨達龍王諸龍王
得熱阿耨達龍王獨無熱是故名爲阿耨達
是爲二事復次天下諸龍王過阿耨達龍王
餘龍王諸金翅鳥王悉入其宮悉恐怖取食
之若金翅鳥自念欲入阿耨達龍王宮適念
是便自得無鞅數災變及其身過阿耨達龍
王天下餘龍王皆見是毒熱阿耨達龍王獨
不見熱是故名阿耨達是爲三事以三事故
名爲阿耨達阿耨達龍王東有大流江下行

一江有五百部河繞阿耨達龍王東流入大海阿耨達龍王南有大江名和又有五百部阿遶阿耨達龍王流入南大海阿耨達龍王西有大江名信陀有五百部河流繞阿耨達龍王流入西大海阿耨達龍王北有大江名斯頭有五百部河流繞阿耨達龍王入北海冬王山南有國名維蛇離維蛇離北有七黑山七黑山北有七仙人婆羅門在中止一者名機機榆二者名施泥梨三者名鬱單四者名禪五者名加蛇六者名優多羅七者多波被頭有山名和曇摩過七仙人婆羅門北有山名乾陀摩訶衍中千窟一者名畫二者名善畫以七寶作之金銀琉璃水精赤真珠碑磲瑪瑙細軟如繡衣畫善畫窟北有樹王名善住有八千樹王園遶之善住王樹下有衆王名善住在下止有八千象周帀圍遶之善住王樹北有浴池名摩那摩以七寶金銀水精琉璃赤真珠碑磲瑪瑙作鑿壘之邊有

容一

六

八千浴池周帀圍遶其水皆涼美軟且清其水底沙皆金以七寶金銀水精琉璃赤真珠碑磲瑪瑙作七重欄楯七重交露七重行樹周帀圍遶其池甚妙好金欄楯者金柱狀銀桃銀欄楯者銀柱狀金桃琉璃欄楯者瑠璃柱狀水精桃水精欄楯者水精柱狀瑠璃桃赤真珠欄楯者赤真珠柱狀瑪瑙桃瑪瑙欄楯者瑪瑙柱狀赤真珠桃碑磲欄楯者碑磲柱狀一切寶桃金交露者銀垂珞銀交露者金垂珞琉璃交露者水精垂珞水精交露者琉璃垂珞赤真珠交露者瑪瑙垂珞瑪瑙交露者赤真珠垂珞碑磲交露者一切寶垂珞皆七寶作甚姝好金樹者金根莖銀枝葉華實銀樹者銀根莖金枝葉華實琉璃樹者琉璃根莖水精枝葉華實水精樹者水精根莖琉璃枝葉華實赤真珠樹者赤真珠根莖瑪瑙枝葉華實瑪瑙樹者瑪瑙根莖赤真珠枝葉華實碑磲樹者碑磲根莖一切寶枝葉華

實以七寶作皆殊好摩那摩池周匝四面以
七寶金銀水精琉璃赤真珠碑磲瑪瑙雜作
陞金桃銀陞銀桃金陞水精陞瑠璃桃瑠璃
陞水精桃赤真珠陞瑪瑙桃瑪瑙陞赤真珠
桃碑磲陞一切寶桃以七寶作甚殊好陞上
有曲廂蓋欄楯上有交露樓觀下有園觀舍

容一

七

宅有浴池樹生種種華種種實出種種香中
有種種飛鳥相和悲鳴摩那摩池中有青蓮
華黃蓮華白蓮華赤蓮華中有紅色者金色
有青色者黃色者赤色者白色者種種雜色
者其華大周匝如車輪其莖周匝如車轂其
華斷者出其汁如乳其味如蜜善住象王念
欲入池中洗浴相娛樂時即念八千象王爾
時八千象王言善住象王以念我等即共往
至善住象王所在前住時善住象王與八千
象王俱往至摩那摩池諸象中有爲王持蓋
者中有扇者周匝圍遶中有含血名機那在
前歌舞作妓樂時善住象王至摩那摩池中

洗浴作妓樂相妓樂中有象爲王洗鼻口者
中有洗牙齒者中有洗頭者中有洗背者中
有洗腹者中有洗髀者中有洗膝者中有洗
足者中有洗尾者中有拔華根洗之以與王
食者中有以青蓮華黃蓮華赤蓮華白蓮華
以鼻歷持散象王頭上者爾時善住象王洗
浴相娛樂飲食已便還至善住樹下其八千
象王各入其池洗浴作妓樂相娛樂飲食已
便還至善住象王所爾時善住象王與八千
象王俱前後圍遶還至善住樹下中有爲象
王持蓋者中有肩者在前作妓樂歌舞至善
住樹間象王從意卧起行步其餘八千象各
各亦隨意在樹間卧起行步從意所欲諸八
千象樹中有圍四丈九尺中有樹圍五丈六
尺中有樹圍八丈四尺中有樹圍七丈七尺
中有樹圍九丈五尺中有樹圍九丈一尺中
有樹圍九丈五尺中有樹圍十丈五尺中有

只是八千樹枝葉墮落時風便吹著外其八千象王大小便時諸鬼神便除著外佛言比丘善住象王威神尊巍巍乃如是畜生含血之類迺有此也

鬱單曰品第二

佛語北丘鬱單曰天下周而廣長各四十萬

容一

八

里北方天下有種種山無鞅數其河兩邊有種種樹河水徐行有種種華水中聚流河兩邊有船絲盡姝好以四寶金銀瑠璃水精作之北方天下中央有浴池名鬱難陀廣長四千里其水涼軟且清有七重壁水底沙皆金難陀浴池周而四面有陛以四寶金銀瑠璃

陀浴池南有河名修堵難陀浴池西有流河名大士難陀浴池北有流河名善種是諸河水皆徐行中有聚流行華河兩邊有種種樹以金銀瑠璃水精作河兩邊際難陀浴池東有園名賢上有七重欄楯七重交露七重行樹周而圍遶以四寶作之姝好金銀水精瑠璃賢上園中有香樹生香華實摩裂者出種種香有擣香樹生華實實璧者出種種香有衣被樹有瓔珞擣有不息樹有生華實若璧者出種種衣被種種瓔珞出種種不息有菓樹器樹音樂樹生華實實璧者出種種器種種果種種音樂樹高七里有高六里五里者

容一

九

四里三里二里最卑者高一里難陀浴池南有園觀名與賢有七重欄楯七重交露七重行樹周而圍遶以四寶作之中有香樹擣香樹衣被樹瓔珞樹不息樹器樹皆有華實實璧者各各出種種香擣香衣被瓔珞不息器果種種音樂樹最小者高十里三十里四

十里上至七十里難陀浴池西有園觀名羅越以四寶作七重欄楯七重交露七重行樹周而圍遶諸樹所出生高卑亦如東方園難陀浴池北有園觀名常有華亦以四寶金銀水精瑠璃作七重欄楯七重交露七重行樹周而圍遶諸樹所出生高卑亦如東面園北方天下有樹曲合如交路北方天下人在下卧起男女各異處有淨潔粳米不耕種自然生出一切味欲飯者取淨粳米炊之有珠名談味著金下光出熟飯四方人來悉共食之食竟亦不盡無盜賊惡人無言我妻子不田作者飯已面色潤澤有威神男子女人若欲

若二十五時北方天下周而四方有水名阿耨達後夜起雲天兩八味水如人飲食填洗浴北方天下淹塵塵不復起譬如酥油塗地塵不起北方天下亦如是地塵不起譬如不息工師若不息工師弟子以種種華結作不息左手持之右手以水洗不息無塵北方天下如是地不起塵常有流水生草樹常有葉華實中有草青譬如有孔雀翅色其香如栴檀香足踏上即脂四十寸舉足還復如故北方天下人欲至賢上園觀中遊戲相娛樂即去乘船至岸邊脫衣沐浴相娛樂已便弃船度河往至香樹間取香塗身至衣被樹間取衣著至不息樹間瓔珞樹間器樹菓樹間音樂樹間取瓔珞不息著之取器音樂便往至賢上園觀熱時亂風吹掃賢上園觀地伊蘭風至吹落華墮地至人膝時北方天下人悉入賢上園觀中遊戲相娛樂二三日至七日以後各自罷去隨意無所繫屬亦復至與賢上園

容一

十

觀羅越常有華園觀亦如是北方天下人欲
飯時取淨潔粳米炊之以炎味珠光炊其下
熟飯東方西方南方北方若有人來至其所
者皆飯食之其飯亦不盡至人食之已北方

天下人有樹名象兜交曲上合如交露人民

在上止宿男女各異處北方天下人通齒髮

紺青色長八丈人民面色同等長短亦等女

人亦如是是人民悉行十善事不復相教作
惡行也皆壽千歲無缺減者死後有生忉利

天上者有生燄天上者有生兜術天上者有
生尼摩羅天上者有生波羅尼蜜天上者天
上壽盡下生闇浮利天下人間即生大豪貴

家若婆羅門大長者家北方天下人大小便

時劈沒地中其地清潔無有聚糞臭處北方

天下人男子女人死時好爲衣被莊嚴不啼
哭取著四徼道中有鳥名鬱遮舉取死人著
北方天下外何以故名爲鬱單曰鬱單曰天
下勝是三天下復最上是故名爲鬱單曰復

容一

土

次鬱單曰天下人食淨潔粳米無有盜賊無
有惡者無言我妻子無言我子顏色甚好有
威神無短命者死以後生善處是故名鬱單
曰也

轉輪王品第三

佛語諸比丘世間有轉輪王時自然生七寶
有四德何等爲七一者金輪寶二者白象寶
三者紺色馬寶四者明月珠寶五者玉女寶
六者主藏聖臣寶七者導道聖臣寶轉輪王
其金輪何等類王以十五日月滿時沐浴於
高觀上與綵女共坐見東方有自然天金輪
來有千輻皆完具悉以天金所成高一丈四
尺王見以自念言我從先聖聞若王十五日
月滿沐浴上高觀與綵女俱坐見東方有自
然金輪者即得作轉輪王王自念欲試天金
輪爾時轉輪王便試天金輪即便會四部兵
往至天金輪所正衣服長跪叉手持右手指
金輪使東飛金輪即東飛轉輪王即與四部

兵及家室親屬悉隨之飛四天王天上諸天皆亦在金輪前飛行金輪所至止處轉輪王便與四部兵家室親屬皆止宿其中爾時東方弗干逮諸王以金鉢盛滿銀粟銀鉢盛滿金粟共往至轉論王所白言天王來大善東方諸城國界富樂熾盛安隱五穀豐熟人民衆多珍寶衆多工巧者饒明月珠玉琉璃白象馬牛羊奴婢米穀豐饒倉庫儲滿願大王止此我等承受其教令轉輪王便告諸王言諸賢等各自治國以正法莫行非法諸賢等但莫教殺生莫盜竊莫犯人婦女莫妄語罵詈惡口兩舌莫念惡當念慈心爲正見奉行如是如是者則爲受我教爾時諸小王持國界奉上轉輪王轉輪王即往案行東方諸國於其中止頓無鞅數歲相娛樂快樂飲食得東海內悉屬已便還南方閑浮利天下王降服亦如是復與家室親屬及四部兵金輪在前飛行復至西方拘耶尼亦如是復至北方

容一

十一

鬱單曰天下亦如是四天王上諸天皆在金輪前飛金輪所至到止處轉輪王便與家室親屬四部兵止頓其中爾時北方諸小王以金鉢盛滿銀粟以銀鉢盛滿金粟共往至轉輪王所白言天王來大善北方諸城國界富樂熾盛安隱五穀豐熟人民珍寶衆多工巧者饒明月珠玉琉璃象馬牛羊奴婢米穀豐饒倉庫儲滿願大王止此我等承受其教轉輪王便告諸小王言賢等各自治國以正法莫行非法賢等莫刹生莫盜竊莫犯人婦女莫妄語罵詈惡口兩舌莫念惡當念慈心爲正見奉行如是者則爲受我教爾時諸小王持國界奉上轉輪王轉輪王案行北方諸國於其中止頓無鞅數歲相娛樂快樂飲食得北海內悉屬已便與家室親屬及四部兵還閑浮利天下威神更巍巍其金輪王爾時便量度東西長四百八十里南北廣二百八十里諸天爲轉輪王造起城壁七重七重欄

橋七重交露七重行樹周而圍遶絲盡姝好
皆以七寶金銀水精琉璃赤真珠碑檠瑪瑙
更互相成金壁者銀門銀壁者金門琉璃壁
者水精門水精壁者琉璃門赤真珠壁者瑪
瑙門瑪瑙壁者赤真珠門碑檠壁者一切寶
門城周而四方有門金欄楯者金柱柵銀桃

容一

十三

銀欄楯者銀柱柵金桃琉璃欄楯者琉璃柱
柵水精桃水精欄楯者水精柱柵琉璃桃赤
真珠欄楯者赤真珠柱柵瑪瑙桃瑪瑙欄楯
者瑪瑙柱柵赤真珠桃碑檠欄楯者碑檠柱
柵一切寶桃金交露者銀垂絡銀交露者金
垂絡琉璃交露者水精垂絡水精交露者瑠
璃垂絡赤真珠交露者瑪瑙垂絡瑪瑙交露
者赤真珠垂絡碑檠交露者一切寶垂絡復
以七寶作樹甚姝好金樹者金根金莖銀枝
葉華實銀樹者銀根莖金枝葉華實琉璃樹
者琉璃根莖水精枝葉華實水精樹者水精
根莖琉璃枝葉華實赤真珠樹者赤真珠根

莖瑪瑙枝葉華實瑪瑙樹者瑪瑙根莖赤真
珠枝葉華實碑檠樹者碑檠根莖一切寶枝
葉華實門上有曲廊蓋交露有樓觀邊有園
觀舍宅浴池中有種種樹種種葉種種華種
種實出種種香種種飛鳥相和而鳴其城姝
好威神巍巍金輪便止城中度量東西八十
里南北四十里爾時諸天爲轉輪王以七寶
作宮殿壁七重七寶欄楯七重七寶交露七
重七寶行樹七重周而圍遶七重門上有曲
廊蓋交露有樓觀下有園觀浴池種種樹種
種葉種種華實種種飛鳥相和而鳴造起轉
輪王宮殿已金諭便立宮門前虛空中爾時
轉輪王甚歡喜踊躍言以爲我自然金輪寶
今我以爲作轉輪王乎佛言轉輪王有自然
金輪寶如是轉輪王有白象寶何類轉輪王
明日與諸臣共會叅議時即自然有白象在
前現皆白身體完具能飛行端正頭赤有六
牙上龐下細牙如畫間金色轉輪王見完念

言此象若可調者便當爲賢善則與調象師使調適一反調便調善最如調善畜爾時轉輪王欲試白象寶便使會四部兵被白象莊嚴已騎白象日出便出宮門飛行遶四海內即時還宮坐相娛樂爾時轉輪王甚大歡喜踊躍言以爲我自然白象寶今我以作轉輪

容一

十四

王轉輪王自然有白象寶如是轉輪王有紺色馬寶何等類轉輪王明日與左右共參議時見自然紺色馬在前其馬身青毛衣滑澤頭黑轉輪王自念言若調此馬者便當妙好則與馬師使調即時調好最如賢善馬爾時轉輪王欲自試紺色馬寶即使會四部兵被

營四十里飛行遶四海內即夜還宮坐甚歡喜踊躍言以爲我自然明月珠寶我今以作轉輪王轉輪王有明月珠寶如是轉輪王有玉女寶者何等類轉輪王明日與諸大臣參議時有自然玉女寶在前見端正姝好面色無比亦不長不短不肥不瘦不白不黑冬時身則溫夏時身則涼身體諸毛孔皆栴檀香口出蓮華香轉輪王甚愛重之意不起姪欲以爲我自然紺色馬寶今我以爲作轉輪王轉輪王有紺色馬寶如是轉輪王有明月珠寶者何等類轉輪王明日與諸臣共坐參議時見有自然明月珠寶在前其珠青瑠璃色

容一

十五

已騎日未出便出宮門則與四部兵飛行遶四海內即日還宮坐相娛樂甚歡喜踊躍言以爲我自然紺色馬寶今我以爲作轉輪王轉輪王有紺色馬寶如是轉輪王有明月珠寶者何等類轉輪王明日坐參議時見主藏聖臣

臣寶在前解慧曉事至誠往至轉輪王所白言轉輪王所欲求索者我當爲王辦之王但自安隱坐轉輪王欲試主藏聖臣寶便會四部兵乘船入水告主藏聖臣我欲得金銀珍寶汝當與我主藏聖臣白轉輪王言度水已隨王所欲即當得之王言今當於此用之疾與我金銀珍寶度水已我不用主藏聖臣聞受其教正衣服船上長跪右手撓水以器抄金銀珍寶譬如虫著樹諸金銀珍寶器著手如是爾時主藏聖臣持衆珍寶著船上白轉輪王言欲得幾許金銀珍寶今當與王轉輪王告主藏聖臣言我所有金銀珍寶甚衆多但欲試卿耳主藏聖臣聞已便還持金銀珍寶著水中爾時轉輪王甚歡喜踊躍言以爲我自然主藏聖臣寶我以爲作轉輪王轉輪王有主藏聖臣寶如是轉輪王有兵臣寶何等類轉輪王明日坐叅議時見有兵臣在前解慧勇猛曉事往至轉輪王所白轉輪王言

王所欲爲作我當爲辦王但安坐莫憂爾時轉輪王欲試兵臣便會四部兵告兵臣寶言不曉兵法者教令曉之已曉者教令重知不曉住者教令知住不曉騎乘弓馬者教令知兵臣寶即受教皆教諸兵轉輪王甚歡喜踊躍言以爲我自然兵臣寶我今以爲轉輪王轉輪王有兵臣寶如是佛言轉輪王有七寶如是佛言轉輪王有四德云何爲四德一者大富珍寶田宅奴婢珠玉象馬工巧者衆多天下人富無有如轉輪王者是轉輪王第一德二者轉輪王最端正姝好顏色無比天下人端正姝好無有如轉輪王者是轉輪王第

容一

十六

二德三者轉輪王常安隱無疾病身常等亦不寒亦不熱適其意諸所飲食皆安隱天下人無有如轉輪王無疾病者是爲轉輪王第三德四者轉輪王常安隱長壽天下人無常安隱長壽如轉輪王者是爲轉輪王第四德轉輪王有七寶及四德如是轉輪王以

正法行爲正見不轉善見行十善事教諸小國王傍臣左右人民奉行十善事轉輪王愛念諸郡國人民如父愛子諸郡國人民愛敬轉輪王如子愛父轉輪王治天下閻浮利地平正無有高下無有棘刺無有毒獸虫蟻無有山陵谿谷無有礫石地但有棄捐金銀明月珠王璫琉璃琥珀水精碑磲瑪瑙珊瑚轉輪王天下治國時富樂安隱熾盛五穀豐熟人民衆多佛語比丘轉輪王治國時天下有八萬郡國聚落居鷄鳴展轉相聞轉輪王治國時天下常遍有水草木常有青樹木常有葉華實其地草葉周巾分布色如孔雀毛其香如華香足蹈上減四寸入地舉足還復如故地草又無四寸空缺處有香樹常生華實破被有珠寶瓔珞樹出華寶破中有無鞅數種種珠寶瓔珞有不息華樹出華寶破中有種種不息有果樹常生華實破中有種種果有

器樹生華實破中有種種器妓樂樹生華實破中有種種音樂轉輪王治國時是天下閻浮利不耕種米穀稻糧皆自然生淨潔無穢出其味有種種甘轉輪王臨壽終時身不甚痛譬如習樂人大食腹不甚痛轉輪王臨壽終時身體痛如是轉輪王命過以後金輪白象寶便滅去紺色馬明月珠寶亦沒去玉女寶主藏聖臣寶導道聖臣寶便沐浴轉輪王身以綿纏身復以五百張白氈纏身著鐵棺中以酥灌其上滿以蓋覆之以釘釘之出轉輪王棺衆人共作妓樂歌舞出著城外積一切香薪持轉輪王棺著上便放火耶維燒已玉女寶主藏聖臣導道聖臣寶共收骨以七寶於四徼道中起塔高四十里廣長四十里周巾起墻廣長二百里以七寶金銀水精瑠璃赤真珠碑磲瑪瑙作七重欄楯七重交露七重行樹周巾圍遶甚姝好其從四方來禮轉輪王行法起塔皆得無數福

爾時玉女寶王藏聖臣寶導道聖臣寶爲轉輪王起塔已便布施飢者與食渴者與衆欲得衣者與衣欲得香熏華者與香熏華欲得財物牛羊者與之其後玉女寶主藏聖臣寶導道聖臣寶皆命過

容一

樓炭經卷第一

容一

金翅

智反

崖底

上宜又魚佳反

欄楯

下特尹反

刀分刲

譯鉢字

綱亦云交盡

柱杖

伏下音

枕光

姝音

好朱

反

曲廊

箱字

園廬

居支下力

陂岸

上音卑

脅虛

業反

須睫

梅中帝音

名

閭

下音銀

駒

上失染反

善畫

下知又反

伎鉢

迦反丘子

醯勒

上呼

芳草

羽反

鬼茄夷

迦反

梭

鮮杜七反

金填

田音堅

壘

倫水反

下陛

蒲反

米車轂

谷下音

膚

音機

榆

上居依反

訶衍

演下音

細濡

下軟如珠反

繻

下而

娛樂

上音愚

髀

上音勝

二同彼

迺擘者

上補

攷

二同

梗

二同音

炕

音庚

炊

音吹

懷妊

下而禁反

四徼

下音叱

兌

音軫

淹

一鹽如絮下音

處劈

下而

四徼

下音叱

完

音蹈

陷

去聲

糲

音普

色暗

反

完惠

官

儲除音撓水高反以抄下楚棘刺上居力反谿谷溪音礫石土音袈牒廣俱猛十八

容一

樓炭經卷第二

容二

西晉三藏法師法立共法炬譯

泥犁品第四

佛告比丘有大鐵圍山更復有第二大鐵圍山中間窈窈冥冥其日月大尊神光明不能及照其中有八大泥犁一泥犁者有十六部

第一大泥犁名想第二大泥犁名黑耳第三大泥犁名僧乾第四大泥犁名樓獵第五大泥犁名敷囉第六大泥犁名燒炙第七大泥犁名金煮八大泥犁名阿鼻摩呵佛言何以名爲想其大想泥犁若有人墮中者其八指生爪如利刀以相把刺其肉應手墮去想